

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 376. An & qualiter emphyteuta teneatur præstare oncra imposita  
rei emphyteuticæ.

---

[urn:nbn:de:hbz:466:1-73957](#)

*Quæst. 375. An & qualiter dominus recipiens pensionem ab emphyteuta incidente in commissum censematur remittere caducitatem?*

1. **R**esp. primò : emphyteuta Ecclesiæ cathedralis vel collegiata (idem est de monasterio) non remittitur caducitas per hoc, quod pensionem præteriti aut futuri temporis recipiat Prelatus; quia is nequit præjudicare juri quasiō Ecclesiæ. *Gloss. in c. potuit de locat. Clar. §. emphyteus. q. 10. Castrop. rr. 33. d. 10. p. 12. num. 1. idem cum Fachin. l. 1. controv. c. 99.* dicens de quolibet emphyteuta privati, si non est dominus, sed ejus v. g. procurator, carens ad hoc mandato.

2. **R**esp. secundò dominus proprietarius, si futuri temporis pensionem recipiat, etiamsi protestetur, se velle salvum esse jus caducitatis, remissile illud censendum est, ut Jason in l. 2. C. de jur. emphyt. num. 124. Clar. loc. cit. *Ruin. conf. 110. l. 1. Corbul. loc. cit. c. 15. declarat. 21. Gigas. de pens. quest. 36. num. ult. Rebell. loc. cit. l. 13. q. 11. num. 3. Molin. d. 354. Fachin. l. 13. controv. c. 99. quos citat & sequitur Castrop. loc. cit. num. 2. ex ea ratione, quod ea receptione dominus protestetur, solventem esse verè emphyteutam; cum non nisi ab emphyteuta penso solvatur; adeoque censendum jus derelictum illi restaurare; non obstante dicta protestatione, utpote quæ tollitur factō contrario, quod præstanto renuncia re censetur juri caducitatis acquifito. Arg. l. ult. ff. de inoff. testam. & l. post diem. ff. de leg. commis- for.*

3. **R**esp. tertio : Ecclesia recipiens pensionem præteriti temporis ab emphyteuta suo non censetur per hoc remittere pœnam caducitatis; quia ex juris dispositione censetur velle sibi salvum reservare jus caducitatis. Jason. ad l. 2. C. de jur. emphyt. num. 127. Fachin. loc. cit. *Castrop. loc. cit. num. 3. testans de communi Arg. Autb. qui rem. C. de SS. eccles. contrarium de emphyteuta privati dicunt Gloss. in c. potuit. de locat. v. expelli. Imol. ibid. num. 4. Specul. tit. de emphyt. quest. 23. Clar. loc. cit. quest. 10. num. 1. Gigas. loc. cit. quest. 37. num. 2. Fachin. l. 1. controv. 99. concl. 5. & alii apud Castrop. num. 4. eò quod emphyteuta incidente in commissum, videatur domino concessa electio, ut ipsum receiptus meliorationibus ab emphyteuti excludat, vel remissa caducitate, agat ad recuperandam omissam pensionem; cum durum videatur, damnare emphyteutam non solidū in solutione pensionis, sed simul in amissione emphyteus. Quamvis id ita liquent citati AA. ut non procedat, si dominus recipiens canonem ante moram debitum protestetur velle jus caducitatis validū. Nihilominus contrarium, nimur censemendum non esse remissam caducitatem ex solutione & exactione pensionis ante moram debita; etiam nulla facta protestatione sibi videri verisimilius ait Castrop. loc. cit. num. 6. ex ea ratione, quod, cum pensio illa exigatur ab emphyteuta quatenus emphyteuta est, sed quatenus talis fuit (unde talis exactio non est instauratio emphyteus) non impedit, quod minus dominus caducitatem exequatur, adeoque non sit in electione alterutrius, sed utrumque exigere possit, pensionem præteritam ex contractu, caducitatem ex lege ob commissum in legem pœnalem, quod durum & iniquum non est.*

*R. P. Leur. Jur. Can. Lib. III.*

*Quæst. 376. An & qualiter emphyteuta teneatur præstare onera imposta rei emphyteuticæ?*

**R**esp. onera realia omnia, quæ præstantur à re vel occasione rei, solvere tenetur emphyteuta, & non dominus directus. l. 2. C. b. t. l. 7. ff. de publican. exemplo usufructuarii, qui quamvis minus juris in re habeat, tributa tamen & onera, quæ rei in usumfructum date imminent, solvere tenetur juxta l. 7. §. 2. ff. de usuf. cùm communis sit regula, quod, qui fructus colligit, etiam functionum gravamen subeat, eò quod proxima causa, cur præstantur illa onera, sit emolumenatum, quod exilla re, cui imposta, percipitur; adeoque ea non sint proprietatis onera, sed fructuum. l. 13. ff. de impens. in res dotal. Potrò ea præstare debet emphyteuta, etiamsi sit ecclesia aut clericus, quia res emphyteutica ad quemcunque transferatur, transit cum suo onere. Arg. C. 11. quest. 1. c. 23. quest. 8. Autb. idem predium, c. de SS. eccles. l. de his. C. de Episc. & cler. l. fin. C. de aet. tribut. Muller. loc. cit. th. 68. Intelligenda autem hæc sunt de oneribus jam antea impositis, secus, de oneribus imponendis. Nam ratione connexionis dominii utilis cum directo non tenentur emphyteuta Ecclesiæ ad collectas & onera realia per Statuta laicorum super rebus & bonis imposita. Delben. de immunit. Eccl. p. 1. c. 10. du. 16. num. 55. & c. 7. du. 1. num. 19. citatis Bartol. in l. private. C. de excusat. muner. Jason. in Autb. quas actiones. C. de SS. eccles. num. 42. Fachin. controv. juris C. 91. l. 1. Menoch. conf. 444. num. 17. *Ruin. conf. 111. num. 10. & pluribus alis.* nisi tamen res illa, antequam perveniret ad dominium directum ecclesiæ jam fuisse affecta talibus oneribus (non enim videtur res istis oneribus affecta eo ipso liberari illis, quod vendatur, donetur ecclesiæ, aut alio modo translat ad dominium directum illius) & dein data in emphyteus; tunc enim videtur emphyteuta illius teneri ad præstanda dicta onera. Si etiam, ut Muller. loc. cit. præstanda ab emphyteuta adhuc illa onera, etiamsi conventum, ut non ipse sed dominus solvat tributa & alia onera; eò quod talis pactio sit invalida, & eā non obstante adhuc emphyteuta conveniri possit & ad ea solvenda cogi, ut ait id specialiter probari de emphyteuta Principis per l. 11. C. de fund. patrim. & generaliter per l. penult. C. sine censu. Præstanda etiam ab emphyteuta, sive sint magna, sive parva ob generalitatem verborum. l. 2. C. b. t. sive sint ordinaria, sive extraordianaria. l. 27. §. 3. de usuf. l. 28. de usu & usuf. legat. Item sive onera sint merè realia, id est imposta rebus ipsis tantum, sive imposta personis pro rebus, qualia sunt collectæ. Muller. loc. cit. cum Valasc. de jur. emphyt. quest. 17. Quin & tenetur emphyteuta non tantum pro tributis suorum annorum, sed etiam pro annis, quibus ipse non possedit, sed antecessor illius, Muller. loc. cit. juxta l. 7. de publican & l. 5. §. fin. de censib. ita tamen, ut habeat regressum adversus antecessorem ejusque hæredes, qui non solvit; & tamen fructus percepit. Arg. l. 39. de legat. Emphyteuta tamen fundorum patrimonialium, si ordinariam collectam præstiterit, non debet ul-

terius gravari. *l. 1. & 2. C. de collat. fundor. patrimon.* nisi inevitabilis necessitas id exigat. Arg. *l. 1. C. ut nem. liceat in expt. specier.* vel extraordinaria talia onera rationem pietatis aut communis utilitatis habeant. *l. 1. C. de coll. fundor patrim.* ac denique onera etiam privata rem conceruentia, ut sunt impensae in melioramenta & culturam rei emphyteutica, ferre debet. Muller, loc. cit. cum Tabor. de jur. emphyt. *ib. 71.* Arg. *l. 13. C. de impens. in rem dotal.* Ad hanc tenetur emphyteuta recepta apochas seu quietantias solitarum à se pensionum Reipublica debitatarum tradere domino. *l. 2. C. b. t. Lauterb. §. 18.* Muller. loc. cit. *ib. 67.* Lit. e. ut nimis dominus reversa quacunque ratione ad se re, tutus sit, ne jam soluta de nro solvere teneatur. Poterit tamen emphyteuta duplicem postulare apocham, unam, quam sibi servet, alteram, quam tradat domino. Muller. loc. cit. cum Donello.

*Quæst. 377. An & qualiter emphyteuta teneatur ferre damna & casus fortuitos in re emphyteutica contingentes?*

**R**Esp. particularis interitus rei, etiam si sit ultra dimidium, modo aliquid superfit, ad emphyteutam spectat. *l. 1. C. b. t. Muller. ib. 68.* Lit. e. Cum enim universa rei utilitas cum omni accessione plenissimè ad eum pertineat, conveniens omnino est, ut quoque universa incommoda & ipsius rei aliqualia decrementa extra totalem rei interitum ferre cogatur. Qualiter autem remissio canonis propterea facienda sit, dictum est supra.

*Quæst. 378. An & qualis præterea ex contractu emphyteutico obligatio & actio nascatur tam domino quam emphyteute?*

**I.** R Esp. primò: ex hoc contractu oritur mutua obligatio quam promillorū seu dominus ad rem tradendam & utile dominium transferendum, præstandūmque usum illius liberum. Promillarius verò seu emphyteuta ad rem acceptam colendam & conservandam præstandāmque pensionem annuam, uti & omnia alia, super quibus cum domino conventum, astingit. Lauterb. loc. cit. §. 12. cum communi. In specie autem loquendo de emphyteuta, tametsi omnes succelfores in cognitionem dominii directi renovationem contractū emphyteutici petere teneantur sub pena arbitria ob negligentiam hujus petitionis. Struv. in ff. ad tit. si ager. vclig. *ib. 66.* & ibidem Muller. Lit. b. non tamen omnes de novo investitur petere necesse habent, ut constat ex antecedentibus. Iis autem, qui eam petere attinguntur, pro ea petenda, pro ut communiter receptum est, concedi annum, cum Jason. in *l. 2. C. de jur. emphyt.* affert Muller. loc. cit. Lit. a. et si alii ex recentioribus, ut Corbul. loc. cit. c. 5. num. 1. Pistor. quæst. 151. a num. 1. Berlich. decif. 8. &c. apud eundem velint concedi non nisi bimestre. Neque ex eo, quod vasallus intra annum & diem non petens renovationem non amplius admittatur juxta tit. 24. feud. 2. recte inferri videtur, emphyteutam quoque habere diem & annum à tempore scientia ad petendam investituram & confirmationem sub pena privationis; et si enim argumentum à feudo ad

emphyteusin quandoque procedat Schrader in *rr. feud.* p. 7. c. 5. num. 51. illud tamen in paenibus seu odiosis, quò spectat privatio emphyteusis, locum neutquam habet Arg. c. odia. de reg. iur. in 6. Muller. loc. cit. cum Carpz. p. 2. c. 38. d. 20.

**2.** Resp. secundò: tametsi emphyteuta, nisi expresse aliter conventum, vi hujus contractū non teneatur rem emphyteuticam meliorare, ut contra Sarmiento *l. 3. selectar. interpret.* c. 4. & Fachin. *l. 1. contrav. c. 92.* cum communiō te tenant Rebell. p. 2. l. 13. quæst. 2. in fine. Castrop. loc. cit. p. 5. num. 2. alii unde & finita sine culpa emphyteutæ emphyteusi is repete potest meliorationes à domino, pro quo quam plurimos citat Castrop. obligatur tamen ad reddendam non deteriorem, ut tenent omnes. Qualiter autem ob hancausam emphyteuta cadat in commissum, dictum est paulò ante. Viderietiam potest Castrop. loc. cit. a num. 4. ubi etiam, quòd certum sit ex inde privari emphyteutam ecclesiae, non tam esse rationem, cur non idem dicendum de emphyteuta sacerulari, pro ut cum communi præter citatos paulò ante tenent Bartol. in *l. divort. §. si fundum. ff. solut. matrim.* Menoch. de arb. *l. 2. cas. 78. n. 2.* Molin. de primogen. c. 16. num. 31. Guttier. conf. 12. num. 11. Laym. l. 3. tr. 4. c. 23. num. 7. & alii apud Castrop. loc. cit. num. 3. qui etiam num. 3. id extendit ad casum, quòd in una ex rebus emphyteuticis contingit deterioratio, ut ob inde reliquæ non eximantur à commissio; eò quòd, esto sint plures res emphyteutica, una tamen sit emphyteusis, unicunque contractus, quòd omnes concessa, ac proinde verum sit, in ea emphyteusis contingit deterioracionem. Pro quo citat Gamam, Bald. Rebell. ac denique num. 8. etiam idem extendit ad casum, quo loco oliveti; V. g. plantatur vinea, et si id forte fiat utilius. Ex ea ratione, quod negari nequeat, per hoc rem emphyteuticam destrui, & frequenter emphyteusin perire; quod autem loco illius subrogatur aliud, non impedit emphyteusis antiquæ interitum, sed solum præstat, ut alia de novò constitui possit, ad quod non obligatur dominus.

**3.** Resp. tertio: ex dicta obligatione oritur actio emphyteuticaria, quæ est ex utraque parte directa. Quam Lauterb. loc. cit. §. 12. definit; quòd sit actio personalis bona fidei, ut Bachov. ad Treutl. vol. 1. d. 29. *ib. 9. Liu. c.* quæ competit ex contractu emphyteutico ad id, quòd partes exinde sibi invicem præstare tenentur. In specie verò competit illi, cui emphyteusis hoc contractu promissa ejusque hæredibus adversus quemcunque possellorem, etiam dominum directum, rei in emphyteusin dandæ ad eandem præstandam, & dum præstita seu tradita est, ad eandem à quocunque possellore vindicandam. Struv. in ff. *si ager vclig. ib. 71.* Lauterb. loc. cit. §. 13. domino autem directo ejusque hæredibus adversus emphyteutam ejusque hæredes (non contra succelfores singulares. ut Carpz. loc. cit. def. 16. & 17. Bachov. loc. cit. *ib. 13.* Lit. e. Corbul. de jur. emphyt. c. 15. quæst. 6. a. n. 2. quos citat & sequitur Lauterb. l. c. Arg. l. fin. ff. de contrah. emphyt.) ad hoc, ut rem colendo & curando reddit meliorem & servet incolumen, maximè autem ad pensionem annuatim solvendam. Carpz. Lauterb. LL. cit. cum communi. Competit itaque tanquam remedium ordinarium seu petitorum dicta actio in rem emphyteutæ, quatenus dominus utilis est, ut quamdiu annua pensio præstatur, nec illi, nec succelfori-